





Dá čohkká geatki ja
borrá bierggu, muhto ii leat
ieš bivdán ealli. Mo geatki
sáhttá borrat bierggu maid
ieš ii leat bivdán?

Geavat gova ságastallat mánáiguin geatkki birra mii borrá jápmán elliid.

Rávvagat ollesolbmuide

Geatki eallá okto ja borrá jápmán elliid. Dat hárve bivdá ieš, muhto borrá elliid maid earát leat bivdán, dahje mat leat jápmán eará láhkai. Eallit mat leat jo jápmán, gohčoduvvojit rábbin. Eallit mat borret ráppiid, leat návddit.

Oaidnibehtet go man ealli geatkki borrá? (Bohcco) Mo dii jáhkkibehtet dat ealli govas jámii?